



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

§. II. Rejiciuntur tres primæ sententiæ & quarta statuitur

[urn:nbn:de:hbz:466:1-77132](#)

DISPUTATIO SEXTA

essentiam videntes; non movetur ab uno intelligibili in aliud, sed omnia quae per hanc visionem considerat.

3 Suppono secundò, tres esse mensuras durationis rerum: scilicet aeternitatem, aevum, & tempus. Aeternitas est mensura rei immutabilis tam secundum esse quam secundum operationes. Aevum est mensura rei immutabilis secundum esse, mutabilis vero secundum operationes, & accidentia ut nrae ruscipere. Tempus denique est mensura rei omnino immutabilis, tam secundum esse, quam secundum operationes. Ita docet S. Doctor supra quest. 10. art. 5. his verbis: Tempus habet in se prius & posterius: aevum autem non habet in se prius & posterius, sed ei conjugi possunt: aeternitas vero non habet prius, neque posterius, neque ea compatitur,

4 Suppono tertio, aeternitatem illam esse essentialem, & aliam participatam. Aeternitas per essentiam, est duratio esse omnino indefinitibilis, tam ab intrinseco, quam ab extrinseco, unde convenit soli Deo. Aeternitas vero participata, est duratio rei immutabilis quidem ab intrinseco, mutabilis vero ab extrinseco, sicut per potentiam Dei, per quam potest destrui ac desinere esse, vel aliquam mutationem in se ruscipere; & ista potest convenire rebus creatis, divinam immutabilitatem participantibus, ut colligitur ex D. Thoma supra quest. 10. art. 2. qd. ubi ait: Quando Augustinus dicit quod Deus est author aeternitatis, intelligitur de aeternitate participata; eo enim modo communicat Deus suam aeternitatem aliis, quibz & suam immutabilitatem. His præpositis,

Inquirimus, quænam ex tribus mensuris jam explicatis visionem beatificam mensurari? An tempus, vel aevum, aut aeternitas essentialem, vel participata? In ejus difficultatis resolutione, quatuor reperio sententias. Prima existimat visionem beatificam tempore mensurari, quia licet ejus duratio sit indivisibilis, & tota simul; illam tamen non intelligimus, nisi per ordinem ad nostrum tempus. Ita Vazquez supra disp. 3. cap. 5.

Secunda docet, illam non mensurari tempore, sed aev. Sic Scotus in 4. dist. 4. qd. 6. quem sequitur Suarez in metaph. disp. 50. sect. 6. num. 18.

Tertia contendit, illam mensurari ipsa aeternitate essentialem Dei. Hanc tenent Ferrarensis, Barnes, Navarrete, Biescas, & quidam alii ex Schola D. Thomæ.

Ultima denique, quam alii Thomistæ communiter defendunt, propriam mensuram visionis beatæ, esse aeternitatem non essentialem, sed participatam, affirmit. Ita Capreolus, Cajetanus, Nazarius, Gonzales, Joannes à S. Thoma, & alii communiter.

S. II.

Respondunt tres prima sententie, & quarta statuitur.

Dico primo, visionem beatam non mensurari tempore. Ita D. Thomas 3. contra Gentes cap. 6. ubi hanc conclusionem multipliciter demonstrat. Primo, quia in hoc aeternitas a tempore differt, quod tempus in quadam successione habet esse, aeternitas vero est tota simul; At in visione beatæ non est successio, sed omnia quæ per illam videntur, simul, & uno intuitu viden-

A ut in prima stipositione demonstratum est: Ergo non mensuratur tempore.

Secundo, Actio non est in tempore, nisi vel ratione principij, vel ratione termini quem attinet. Sed visio beatifica ex neutro capite potest esse in tempore, vel eo mensurari. Ergo tempore non mensuratur. Major constat, sic enim actiones rerum materialium sunt in tempore, ratione principij; actiones vero Angelorum, quando agunt in hac inferiora, ratione termini. Minor vero probatur. Principium visionis beatæ est intellectus humanæ glorie illustratus, & ipsa divina essentia in ratione speciei intelligibilis secundatur; terminus vero est eadem essentia in ratione speciei expressæ, ut constat ex dictis in secunda & tertia disputatione. At qui tale principium, & talis terminus non subjacent temporis: Ergo visio beatifica nec ratione principij, nec ratione termini, subjaceat tempori.

Tertio, Anima intellectiva est creata in confini aeternitatis & temporis, ut dicitur in libro de causis; unde ejus actio per quam conjungitur aeternitatis quæ sunt in tempore, temporalis est; actio vero per quam conjungitur rebus superioribus quæ sunt supra tempus, aeternitatem participat. Sed visio beatifica est actio perfectissima, per quam Angeli, & homines beati perfectissime conjunguntur Deo, qui est aeternus, & supra omne tempus: Ergo illa non est in tempore, sed in aeternitate participata: juxta illud Christi Joan. 17. Hac est vita eterna ut cognoscant te Deum verum.

Denique probatur conclusio, destruendo, fundatum Vazquezii: Quod enim nos non intelligamus visionem beatam, nisi per ordinem ad nostrum tempus, non facit quod tempus sit mensura durationis illius; quia nos non cognoscimus illam durationem per reductionem ad nostrum tempus, tanquam ad aliquid perfectius & simplicius, sed tanquam ad aliquid imperfectius, & nostro modo intelligendi accommodatius. Sicut licet non cognoscamus durationem Angeli, nisi per habitudinem ad nostrum tempus, & nec attributa divina nisi per ordinem, & connotationem ad creaturem; non tamen propter tempus nostrum sumitur ut mensura durationis Angelorum, nec creature, ut mensura perfectionis Dei; quia mensura semper se habet ut aliquid simplicius, & uniformius mensuratur.

Dico secundò, visionem beatam non mensurari aev.

Probatur primò ex D. Thoma supra quest. 10. art. 5. ad 1. ubi dicit: Creatura spiritus, quantum ad affectiones, & intelligentias, in quibus est successio, mensurantur tempore, quantum vero ad eorum esse naturale, mensurantur aevio; sed quantum ad visionem glorie, participant aeternitatem.

Probatur secundò conclusio ratione fundamentali. Cum enim visio beatifica sit participationem intellectus, reddit animam veluti Deiformem, & modo divino operantem, ac proinde modo simpliciori, & immutabiliori quam sit Angelus in suo esse: unde cum diversitas mensuræ durationis rerum, sumatur ex diverso gradu immutabilitatis illarum, ut docet D. Thomas loco citato, visio beatæ petit mensuram in aliquâ mensura nobiliori & uniformi, quam sit ea qua mensurat Angelorum substantiam; ac proinde non mensuratur aevio, sed aeternitate participata.

Proba-

Dicitur. Probatur tertio conclusio. *Æcum licet in se fit immutabile, & totum simul, admittit tamen aliquam successionem, & aliquas variationes accidentales in Angelo, sive quoad mutationes locales, sive quoad diversos actus, ut dicemus in Tractatu de Angelis. Sed visio beata nullam admittit successionem, aut variationem, etiam accidentalem, in ipsa ratione visionis: Tum quia principia ad illam concurrentia, scilicet lumen gloriae, & essentia divina per modum speciei unita, manent omnino invariata: Tum etiam, quia visio beatifica constituit intellectualem creaturam in ultimo termino, & fine, ac summa beatitudine, quæ non potest amplius proficere nec descere. Ergo illa non mensuratur ævo.*

B13 Addo quid, sicut homo per gratiam viæ, & dona supernaturalia participat naturam Dei, & ejus attributa, & per visionem beatificam, & gratiam confundamat patriæ, immutabilitatem & aeternitatem Dei aliquo modo participat, ut docet D. Thomas supra quest. 10. art. 3. ad i. ubi ait: *Dicuntur multa aeternitates, secundum quod sunt multi participantes aeternitate ex ipsa Decontemplatione.*

Addo etiam, quid visio beata appellatur vita aeterna, non solum quia durabit sine fine, nam hoc modo etiam vita damnatorum erit aeterna; sed quia inter res creatas summam immutabilitatem habet, & nulla in admittit successionem aut variationem in ipsa ratione visionis, & quantum ad operations per se ad illam consequentes, sicut illam admittat quantum ad illustrationes, & revelationes quæ fiunt extra verbum, & quæ per se ad illam non pertinent, sed ad illud genus cognitionis, quæ scientia infusa appellatur.

C14 Dictertio. Visio beata non mensuratur aeternitate essentiali, sed participata.

Probatur primo ex D. Thoma 3. cont. Gent. cap. 6. ubi ait, quid *Visio Dei in quinadam participatione aeternitatis perficitur.* Et infra subdit: *Ese divine substantiae in aeternitate est, vel magis est ipsa aeternitas, visio autem predicta in participatione aeternitatis est.*

D15 Probatur secundo hac ratione fundamentali. Quod mensuratur aeternitate essentiali, debet sive necesse ab eterno, & esse omnino immutabile ac indefectibile, tam ab extrinseco quam ab intrinseco: ut enim docet D. Thomas supra quest. 10. art. 2. *Ratio aeternitatis consequitur immutabilitatem, sicut ratio temporis consequitur motum.* Sed visio beatifica licet ab intrinseco sit invariabilis & indefectibilis, admittit tamen aliquam mutabilitatem, & defectibilitatem ab extrinseco, tam in genere entitativo, quam intelligibili: sicut enim illa incepit de novo, ita & potest desinere, si Deus de facto suspendat suum concursum, sicut de facto desit in aliis qui in hac vita viderunt Deum, ut de Paulo, & Moysi docet D. Thomas hic art. 11. Item illa de potentia absoluta potest esse major vel minor, etiam in eodem subiecto: sicut de facto in diversis subiectis una est major quam altera: Ergo non mensuratur aeternitate essentiali, unde cum non mensuretur tempore, vel ævo, ut ostensum est, alia mensura, præterquam aeternitate participata, mensurari nequit.

E16 Sed quæres primò, An sic ut tempus est subiectivus in primo mobili, & sive in supremo bonorum Angelorum; ita & aeternitas participata, in aliquo subiecto, & quodnam illud sit.

Respondeo cum Nazario, valde probabile esse

A quod aeternitas participata subiectivè sit in intellectu perfectissimi beati, scilicet in anima Christi: sicut enim in genere motuum, motus primi mobilis est mensura ceterorum, quia est simplicior & uniformior; & sicut durationes Angelorum, propter eandem rationem, mensurantur per durationem supremi Angelorum; ita probabile est omnes visiones beatas mensurari à visione Christi, quæ ceteris immutabilior, uniformior, & simplicior est, inquantum unica existens complectitur omnia quæ diversis visionibus aliorum beatorum videntur: imo, ut docet D. Thomas supra citatus, ad omnia se extendit, quæ Deus videt per scientiam visionis.

B17 Quæres secundo, *Analiæ formæ supernaturaæ, les, ut gratia, charitas, & unio hypostatica, aeternitate participata mensurantur?*

Respondeo gratiam & caritatem in duplice statu considerari posse: scilicet in statu imperfecto viæ, ut regulantur per fidem, & cognitionem obscuram; & in statu perfecto patriæ, & prout regulantur à lumine gloriae, & clara Dei visione. In primo statu mensurantur mensura omnino mutabili & temporali, quia trahuntur ad modum imperfectum ipsius subjecti, & sunt in eo amissibiliter; eo quod non repleant totam ejus potentialitatem, ut docet D. Thomas 2. quest. 24. art. 1. In secundo vero gratia consummata patet, cum sit omnino immutabilis & inammissibilis; & amor beatificus, saltem ut tendit in objectum primarium, scilicet Deum clare visum, aeternitate participata mensurantur, quia ad visionem beatificam consequuntur, & illi conformantur, ac habent eandem cum illa immutabilitatem & indefectibilitatem. Dixi amor beatificus, ut tendit in objectum primarium: ut enim fertur in objectum secundarium, id est in creature quas libere amat, non mensuratur aeternitate participata, sed tempore discreto, seu angelico, sicut in statu viæ tempore communis, quia ex hac parte admittit mutabilitatem & successionem, quam non admittit visio beatifica, etiam respectu creaturarum quas videt in verbo.

C18 De unione vero hypostatica similiter dicendum est, illam mensurari aeternitate participata, quia est omnino immutabilis, & indefectibilis, multoque intius ac perfectius Deo conjungit. Quamvis visio beatifica, vel gratia consummata patriæ, ut docet D. Thomas 3. p. quest. 50. art. 2. his verbis: *Gratia unionis per quam divinitas unita est carnis, ex sua ratione est magis permanens, quam ordinatur ad unionem personalem, quam gratia adoptionis, quam ordinatur ad unionem affectualem.*

Nec obstat si dicas, istam unionem secum compatimutabilitatem operationum quas Christus exercebat in natura assumpta, dum erat in statu viæ, & consequenter debere mensurari ævo, quod mensurat rem in substantia, & mutabilitatem in operatione.

Respondetur enim, negando Consequentiam: quia æcum mensurat substantiam immutabilem, quæ est principium, & radix operationum mutabilium, unio autem hypostatica non erat radix illarum operationum, quas Christus dum erat viator exercebat in natura assumpta; illæ enim pertinebant ad naturam quæ est radix, & principium operandi; non vero ad hypostatum, quæ solum est terminus naturæ, nec operatur nisi illæ mediante. Addo quid, si hoc argumentum concluderet, probaret

DISPUTATIO SEXTA

ret unionem hypostaticam mensurari tempore, non aeterno; quia actiones corporales quas Christus in natura assumpta exercebat, dum erat viator, erant subjectae mutabilitati temporis, & ab illo mensuratae, sicut actiones aliorum hominum.

S. III.

Solvuntur objectiones.

19 Objicies primò contra primam conclusionem: Visio Pauli quam habuit in via, fuit ejusdem rationis cum ea quam modò habet in patria, ut pote terminata ad idem objectum, & procedens ab eodem lumine gloria, & ab eadem specie divina essentia: Sed illa fuit indefectibilis, & subjecta mutationi, ac proinde mensurata tempore: Ergo & ista.

20 Respondeo primò, quod licet visio D. Pauli fuerit ejusdem rationis, quantum ad speciem, & substantiam, cum illa quam modò habet in patria, non tamen quantum ad statum, & modum durationis; quia non fuit data per modum status perfecti & permanentis, sed per modum transiuntis, non tollentis statum viae. Unde D. Thomas 2.2. quæst. 17.5. art. 3. ad 2. numerat illam inter prophetias, & ad modum prophetiarum, seu coruscationis transiuntis, dicit fuisse communicaram: quare licet illa per accidens, & ratione statu fuerit subjecta mutationi, & mensurata tempore; visio tamen quæ nunc fruatur in celo, est omnino immutabilis, & indefectibilis ab intrinseco, ac proinde non mensuratur tempore, sed aeternitate participata.

21 Secundò dici potest, visionem D. Pauli quam habuit in via, fuisse mensurata aeternitate participata, sicut illa quam modò habet in patria: quia ab intrinseco, & ea sua natura erat immutabilis & indefectibilis; quamvis ab extrinseco, & per Dei potentiam fuerit mutata & destruēta; sicut etiam Deus de absoltâ potentia mutare potest, & destruere visionem quæ sunt in patria; & sicut ipsa substantia Angeli, quæ mensuratur aeterno, potest definire, si Deus voluerit eam annihilare.

22 Objicies secundò contra secundam conclusionem: Ævum est mensura rei immutabilis in suo esse, & mutabilis secundum operationes eius adjunctas: Sed visio beatifica, quamvis sit immutabilis, & indefectibilis in suo esse, est tamen mutabilis quoad perfectiones adjunctas: Ergo mensuratur aeterno. Major constat, nam substantia Angeli mensuratur aeterno, quia licet sit in se incorruptibilis & indefectibilis, habet tamen aliquam variationem accidentalem, quoad motus locales, & operationes illi adjunctas. Minor vero probatur: Beati non vident statim initio beatitudinis omnia quæ pertinent ad eorum statum, sed de his paulatim, & successivè illuminantur a Deo, ut diximus articulo precedenti: Ergo visio beatifica admittit in se revelationes & illuminationes, ac proinde mutabilis est quoad operationes illi adjunctas.

23 Respondeo distinguendo Majorem. Ævum est mensura rei immutabilis in suo esse, mutabilis vero secundum operationes illi adjunctas per se, concedo. Illi adjunctas per accidens tantum, nego. Similiter dico quo Minorem: Visio beatifica est mutabilis quoad operationes illi adjunctas per se, nego. Illi adjunctas per accidens, concedo.

Explicatur: In beatis duo sunt genera opera-

A tionum: quædam per se consequuntur ad visionem beatificam, ut amor, fructus, delectatio; & istæ sunt omnino immutabiles, & indefectibiles ab intrinseco, sicut ipsa visio à qua dimanant. Aliæ vero sunt quæ visioni beatifica per accidens adjunguntur, ut illuminationes, & revelationes quæ sunt extra verbum; quæ, ut suprà diximus, per se non pertinent ad visionem beatam, sed ad illud genus cognitionis, quam Theologi appellant scientiam infusam, quæ per accidens ad illam consequitur. Quamvis ergo in beatis sit aliqua mutatio, & variatio accidentalis, quantum ad illustrations, & revelationes factas extra verbum; quia tamen ipsa visio beata nullam patitur mutationem, quantum ad alias operationes, quæ per se ad illam consequuntur, non mensuratur aeterno, sicut substantia Angeli, quæ est principium, & radix operationum mutabilium, quæ per se ad illam consequuntur, sed aeternitate participata.

B Objicies tertio. Contra tertiam conclusionem: Visio beata habet divinam essentiam loco speciei: Ergo debet mensurari eadem mensurâ quæ illa: Sed essentia divina aeternitate essentiali mensuratur: Ergo & visio beatifica,

C Respondeo, concessu Antecedente, negando Consequentiam. Licet enim essentia divina quæ in visione beatifica gerit, vices speciei, in se mensuratur aeternitate essentiali, & quia tamen concursus ejus ad visionem, incipit & potest definire, & illa potest ad majorem vel minorem visionem concurrere, quod totum importat aliquid mutabilitatem, saltem ab extrinseco, & in ordine ad potentiam Dei absolutam; ideo visio beatifica mensuratur aeternitate participata, non vero essentiali. Sicut etiam licet Verbum divinum supplet rationem personæ in humanitate Christi; unio tamen hypostatica, ut suprà dicebamus, non mensuratur ipsa aeternitate essentiali, sed participata. Tum quia incepit aliquando, & de absoluta Dei potentia potest definire. Tum etiam, quia licet humanitati communicetur existentia divina, illa tamen non communicatur ut propria, & homogenea ipsi, sed ut supplens vices existentia creatæ,

DISPUTATIO VII.

De Nominibus Dei.

Ad questionem 13. D. Thoma.

L Icet Deus ineffabilis sit, ipsumque (ut olim dicebat Plato) intelligere difficile sit, loqui autem impossibile: tamen de nominibus ejus breviter hic cum S. Doctore differendum est: Divina enim (inquit Leo Papa) considerationis materia, ex eo quod ineffabilis est, fandi tribuit facultatem; nec potest deficere quod dicatur, dum non potest esse, nisi quod dicitur.

ARTICULUS UNICUS.

Breviter exponuntur, & declarantur quæ de divinis nominibus communiter docentur, Theologi.

Q Uæ Theologi communiter docent cum D. Thoma de divinis nominibus, facili a sūt, & deduci possunt ex doctrina quam tradit Aristoteles.